

Te Hiranga Te Reo Rangatira

Te Pūrongo Aromatawai ā-Waho 2024



Te Marautanga o Aotearoa	Te Hiranga Te Reo Rangatira
Te Rā Aromatawai	Te 18 o Noema 2024
Te Momo Aromatawai	Whakamātautau a-Waho
Te Paerewa Paetae	93009

Te Wāhanga 1: He Tirohanga Whānui

Ko te kounga o te whakamātautau me ūna āhuatanga katoa, he Hiranga.

He pai nga tuhituhi engari kāore kau i pērā rawa te pai o te whakaputa kōrero, ko ētahi he pai ngā reo whakaputa engari kei tawhiti mai ngā tuhituhi kōrero.

Te Wāhanga 2: He kōrero mō te Paerewa

93009: Te Paerewa Te Hiranga mō Te Reo Rangatira

Te Aromatawai ā-Waho:

E rua ngā wāhanga o tēnei whakamātautau:

- Te wāhanga tuatahi: Te pānui me te tuhituhi.
- Te wāhanga tuarua: Te whakarongo me te kōrero.

Pai te whakatakoto o tēnei whakamātautau me ngā kaupapa katoa i noho ki raro i te kaupapa kotahi. Hāngai ana ki ngā kaupapa o te wā, o ināianei.

Te Pūrongo Paerewa Paetae:

Ko ngā Ākonga i **whakawhiwhia** ki te tohu Te Hiranga:

- i tika te whakamahi o te nuinga o ngā pūkenga reo torohū, pūkenga reo whakaputa
- i tika te whakaputa whakaaro
- autaia te whakamahi reo taunaki hei tautoko i ūna whakaaro
- autaia te rere o te reo tuhituhi me te reo whakaputa.

Ko ngā Ākonga i whakawhiwhia ki te tohu **Karamatamata o Te Hiranga**:

- autaia te kite i te whakamahinga o ngā pūkenga reo torohū, pukenga reo whakaputa o ngā wāhanga katoa o te whakamātautau

- māia te whakaatu i tōna mōhio o ngā tini kaupapa whānui i roto i te whakamātautau
- te whakaputa whakaaro motuhake, whakaaro noa atu
- te tātari me te arohaehae i ngā kaupapa
- maringi noa mai tōna reo ā-tuhi me te reo whakaputa
- kaha ki te kōtuitui i ngā kaupapa
- tapatapahia te rere o te whakaaro ki ngā kupu i tuhia
- māia te rongo i te reo paki
- autaia te rongo i te mōhio o te ākonga ki tāna e kōrero ana
- rikarika te whakatakoto o ngā tuhinga kōrero e mau ai te wairua, e hopu ai te ito o te kōrero.

Ko ngā Ākonga **Kāore i eke** ki Te Hiranga:

- kāore i kaha puta ngā whakaaro
- kaha tonu te whakautu i ngā pātai mēnā i hāngai ki te kaupapa
- rahi rawa ngā hapa reo
- nanakia ki te tutuki i ngā pātai engari kāore i noho ki te wāhanga kōrero.